

不許作聲咳嗽忌與人語行之精久飛神
取空去來無碍同得仙真則知此文乃天
師飛騰太空之秘學者寶之

无上三天玉堂正宗高奔内景玉書卷上

无上三天玉堂正宗高奔内景玉書卷下


師曰護身延生者莫大於斗真拘魂煉陽
九光於罡炁故聖人云出入斗中身強炁
盛延壽益算萬邪皆避者是已又云萬法
皆從斗出萬神皆從斗役是知一切法一

切行持非斗莫能通應故聖師必以昇斗
度人者以真學士通仙教具存無守有坐
役三界制御六天則此法實三奔之一秘
登真之階梯也可不敬之

第一太星精名玄樞神四陽明魂曰天樞魂
神斗天之太尉司政主非上極九天中監五
嶽飛仙下領學真之人天地神靈莫不隸焉



第二元星精名北台神名陰精魂曰天璿魂
神斗天之上宰主祿上總天宿下領萬靈學
仙之人莫不隸焉



第三真星精名九極上真神曰真人魂曰天
機魂神斗天之司空主神仙上總九天高真
中監五嶽靈仙下領學道求仙之人莫不隸
焉



第四紐星精名璇根神曰玄冥魂曰天樞魂
靈斗天之遊擊主伐逆上總九天鬼神中領
北帝三官下監萬兆伐逆不臣悉隸焉



第五網星精名太平神曰丹元魄曰玉衡魄
靈斗天之斗君主命錄籍上總九天譜錄中



統鬼神簿目下領學真兆民合籍悉隸焉



第六紀星精名命機神曰北極魄曰閭陽魂
靈斗天之太常主昇進上總九天真中總
五嶽飛仙下領學道之身凡有功勤得轉輪
階級




第七關星精名亢陽神曰天關魂曰握光天
明斗天之上帝王天地截運如四時長短天
地否泰劫會推遷莫不隸焉



第八帝星名曰高上玉皇神曰八景虛元君
第九尊星名曰太微玉帝神曰七晨七素君
二星是帝星大尊精神也見之者壽修之者
仙昔漢相霍光家奴名還車忽見二星在斗
中光明非常乃拜而還遂年六百歲



師曰常以月三七日夜斗入室拱手定炁
閉目內視乃一身冉冉起上飛昇北斗魁
中背真人星坐良久為之覺我形如在斗
中也極念為之常覺體中熱是真炁合德
存斗中星辰光下注我身照映內外又存
九星三大神



次存三元大神

上元大神名奇劔字靈剛着紫宸鳳羽紫帔
虎錦丹裳左珮右璫兩手握流金火鈴



中元大神名旋度字素康項負圓光扶晨冠
絳羽帔龍帶虎裳



下元大神名抗萌字流鬱着扶華綠冠黃鳳
羽帔龍衣虎帶佩流金火鈴手把日芒



三神與我對坐今首元我心拜之精思恍

惚存三大神問何不速來稽首答曰畏六

天三官衆魔三神共怒振鈴吐氣煥激八

方又忽見一女子狀如嬰兒在三神前向

我坐吐紫煙直入心中呼曰斗中九精陰

靈玉清上妃名密華字鄰倩仍嚙液九過

叩齒九通左手撫心

呪曰

太上丹靈玄光燄煥九緯落旋輝蒸澄散紫

宸幽燭七曜蔚散二景奏明陰陽以判四度

運昌雲津回灌吉辰啓氣上昇九元據斗尊

罡奉見三君問我稽留何不昇仙我則稽首

畏鬼莫前帝乃赫莊口嚙日根左破六天右

震鄧山流鈴上煥魔首碎分逐我七魄強我

三魂藏斗內揮九精在心紫霞洞映飛光萬

尋和魂制魄六胎修煉精感變曜玉妃忽見

坐當我心俯視仰盼其名密華厥字鄰倩吐

納朱氣和平百開自服錦帔鳳光鸞裙腰帶

虎錄龍章玉文手執月華頭巾紫冠騰躍太

霄駕景蓋雲書名太素我得飛仙起浮空洞

垂瓊太元上造朱房役使萬神紀分二度還

返嬰顏北帝激雷南帝火陳東倉落燭赫赫

雷震西流雙杵鳴音倡鈞四舉起躍薦我玉

真遂乘八景遨遊紫煙早提手如初咽液三

起向西北兩拜閉目

存密華上已上景云

十過叩齒九通祝畢

北拜大西



師曰凡一日三日五日存泥九宮咽液五

十過叩齒九通左手捻兩眉中心微呪曰

太上紫暉九通之神華蓋七落迴耀萬神動

御高靈靜和景添陰陽流灌三炁中分避濟

無外煥明衆天今月啓晨來登泥丸無精結

感化爲大神名曰奇劍厥字靈剛正坐斗中

遊我明堂鳳羽紫帔虎錦丹裳左帶玉珮右

腰金璫手把冰鈴頭巾晨光吐炁灑灌泥丸

以康魂魄和同植華柱梁使我飛仙超虛躡

空上造上清策虎命龍北朝玉帝瓊琳上宮

西謁太素稽首三元早更提手咽液九過叩

齒九通又祝畢起北西

師曰常於七日九日十三日存絳宮嚙液

五十過叩齒九通以右第一指微掐念呪

捨心微呪曰

太上紫真九炁中靈包括萬度瓊瑛煥明飛

霞流曜暉燭玉清玄蓋衆神來應心庭飛光

落景中元充盈六府啓開華液泯平魂魄制

煉得真之精感至觸變億化立成忽見大神

正坐安房整然朝真百節開通琴斗據魁盼

日百方其名瓊度厥字素康絳羽華帔龍帶

虎裳身充寶曜項負圓光首巾飛晨芙蓉飛

昇使我飛仙超浮太空中造紫闕北朝玉皇

役使萬神衆靈奉迎心上生華慶雲承昌鳳

簫冷冷鸞吹鏘鏘早更提手咽液九過叩齒

師曰常於十五日十九日二十二日存丹

田宮咽液六十過叩齒九過以左手第二

指捨人中微呪曰

太上紫皇煥朗中樞九緯炳靈光透太微萬
神仰鎮千神植牙七度捨微呪曰

分葩制陽表順執陰以和其暉啓陣玄根物
離 肇月惟吉觀應臍內紫炁發霄飛光

縱墜煉我魂魄華精瑩蔚忽見大神上官靈
貴名曰抗萌厥字流鬱正坐臍中乘斗九炁

吐納雲液平血理胃黃鳳羽帔龍衣虎帶
啓日根頭中絳芙蓉流火鈴煥電映無使我

飛仙超空躡浮上造玉房携帶霄虛役使萬
神天地同休更按半咽液三十遍叩齒九

師曰已上謂之昇斗奔辰能拘魂制魄益
炁延年招真致靈皆從此起

卧斗

師曰凡旦暮卧先存九皇星在卧席上身
於床前立北向兩手捧心閉炁瞑目存天

上北斗并帝尊九星依當時所皆之位乃
見冉冉來下至席列如圖今天關作月建

斗形長九尺廣六尺乃遠於真星之外若
時朔日之夕即并存晨蓋之星俱下亦列

如圖乃從魁下至斗口於尊星外入魁中
正偃卧閉目存思其星作圓光之象星紫

色剛赤色連繞其星如步圖者今我頭首
九極使真炁入於泥丸令真星正當頂上

存真炁紫光隨身入泥丸并溢出血頭腦
之地光映洞徹足躡尊星心念飛仙令太

微制我三魂小屈左足以躡之足躡帝星
心念飛仙令高上拘我七魄伸右足以躡

之左手把北台北台元星之精也仰左手
小舉之抱元星下網使星形在虎口右手

執璇根璇根紐星之精也覆右手執紐星
網使星在虎口上



次安身如法訖閉目存有九星君

第一太星精名玄樞上真願巨飛仙乘虛駕

浮存星在左手小指前

第二元星精名北台上真願巨飛仙遊行洞
臺存左手把之

第三真星精名九極上真願巨飛仙得治三
玄存星在頭上

第四紐星精名璇根上真願巨飛仙玉名列
為飛仙存星右手執之

第五網星精名太平上真願巨飛仙登行上
清存星在紐星右

第六紀星精名命機上真願巨飛仙名書太
微存星在網星右

第七關星精名玄機上真願巨飛仙得使玉
童存星次紀星君

第八帝星精名高上玉皇君願巨飛仙得登
後聖之堂存星在魁星中網連紐星令對右

足心

第九尊星精名太微玉帝君願巨飛仙得入
丹闕玉房存星連太星網今對左足前存見

九星印商三七
過咽液三七遍
呪曰

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

九星太精北極真君益我胎精強我三魂左
引日華右拘月晶辰中黃景元虛上真使我
飛仙上登紫宸神虎玉符備守生門萬邪伏
法受煉斗君祝畢良久乃存斗星之精忽然
分精作促小之形後悉入即入洞房中偃
洞房魁中左有黃老君玉色黃綺衣右是我
神與黃老君對生口有泥丸赤子帝君向外
三關百節皆令赤色

呪曰

洞房元精赤子太尊斗光華蓋來照泥丸保
煉骨血拘制魄魂使巨飛仙乘雲登晨上朝
玉帝太乙元君祝畢閉目息
念念形安眠

師曰卧北斗陰精致仙使靈洞房致北斗
陽精使五臟自生遂得成仙景遊行上清
月朔存華庭紫蓋唯月旦一存席上下分
精入洞房也先存九皇畢即存晨蓋次祝
九星名以至於畢也平日欲起者叩齒二
七通咽法二七通

呪曰

天元上斗中有七童上清紫精在飛身中華
晨紫蓋太素元宮投聖靈炁入洞房使我
飛仙得昇太極玉堂祝畢存九星餘炁不見
朔夕辰蓋亦然所云平

且起者謂專行此法耳若夜
中別行他法亦宜祝而後起

理元訣

師曰奔辰卧斗已行然下學之士積功穢
罪未能消蕩須行此法懺洗愆非方可登
真矣

每丁卯日夜半於寢床平坐北向接手瞑
目叩齒七通仰存七星煥明在天

祝曰有陽明星從斗飛入北口中先
芒日散竟在中心中外先微當
存斗中欲一陽
明星餘如故

第一太星玄樞陽明天樞魂神上玄君過七願
得臣七世以來下逮臣身陽罪陰愆皆令消
除所向如願萬事合心飛步七星與天相傾
名利斗辰延紀億年



丁丑日夜半於寢床平坐北向接手瞑目
叩齒七通仰存七星煥明在天

祝曰存陰精星從斗飛入
口中竟在肺中餘如前

第二元星北台陰精天璇魂神上玄君過七願
得臣七世以來下逮臣身陽罪陰愆皆令消
除所向如願萬事合心飛步七星盈滿四神
用虛飛行七元名利玉虛上登紫清乘玄駕
無出入利貞與天同符



丁亥夜半於寢床平坐北向接手瞑目叩
齒七通仰存七星煥明北方良久

祝曰存真人星飛入口徑在肺中存
龍心再拜咽液叩齒餘如前


第三真皇九極上真天機魄精上素君過七願
得除臣七祖以來下逮臣身生罪死過積惡
私匿違犯天地水三官者皆得消滅目明徹
視鑿洞幽無飛行七元名書上清役使萬靈
上登玉庭駕景乘空與天相傾



丁酉夜半於寢床平坐北向按手瞑目叩齒七通仰存七星煥明北方良久

祝曰

第四紐星璇根玄冥天權魄精上虛君過願得除臣七祖以來下逮巨身無惡無德不仁不孝陰惡之罪數千萬計皆令消滅服食納精日以進益飛登七元錄利太玄上列玉皇乘輿九天役使神靈日月同新



丁未夜半於寢床平坐向北按手瞑目叩齒七通仰存七星煥明北方良久

祝曰存丹元星飛入口中覺在胃內咽液三九遍餘如前

第五綱星太平丹元玉衡魄靈上玄星君過願得除臣七祖以來下逮巨身內外穢罪深沈過數千萬億記在幽闢者皆令消滅當令太玄素景紫宮右侍玉女左侍玉童日月同

輝位為真王

丁巳日夜半於寢床平坐北向按手瞑目叩齒七通仰存七星煥明北方良久

祝曰存北極星飛入口中覺在腎中陽日左陰日右咽液二七遍餘如前



第六紀星命機北極閻陽魂靈上丹皇虛君過願得除臣七祖以來下逮巨身所犯所存賊惡罪過姦逆辭妄列在帝君皆令消滅百病康愈體蒸利貞名書仙臺列位上清役使萬靈



月晦日夜半後雞未鳴時於寢床卧東向平坐按手叩齒仰存七星煥明北方良久

祝曰存天關星飛入目瞳陽日左陰日右過喉嚨內內外洞然

第七關星玄陽天關瑤光太明上皇道君過願得除臣七祖以來下逮巨身闇昧逆罪五罪五刑身中之神數千萬億記在北帝鬼官者皆令消滅當令神精八達坐在立亡耳聽絕音同生紫光利玉太素洞覽鬼形名書帝軒命均二明飛行七元寢宴繫清



六甲日夜半於寢床坐任意首向裡固閉炁凝和良久叩齒九通存北斗九皇煥明於頂上令光芒相映

祝曰存帝尊二星飛入泥丸中過照內外過生紫光咽液三九遍

若六甲六丁日月晦日同者重行之

第八帝星高上玉皇八景靈元君第九尊星太微玉帝神素七辰元君過願得除臣九世父母以來下逮巨身諸丘山水源大小罪過名上死籍陰匿陰賊惡伏姦藏欺

事有億萬計列在鬼帝鄧山上死罪條例之
 愆記北九元太極真人黑澤若乞九天元
 太上尊帝王元君皆令罪事消除飛行七道
 上登玉清洞遊太元乘景晨生北宴八素與
 日相傾總朝真妃攝御萬靈



无上三天玉堂正宗高奔内景玉書卷下

清微神烈秘法卷

雷與秘論

劬七

夫清微者以象言之乃大羅天上鬱羅蕭臺
 玉山上京上極无上大羅玉清諸天中之尊
 也肇自混沌溟滓鴻濛未判之先大梵大初
 之境即元始至尊之所治也乃一炁開明祖
 劫是謂天根且清微法者即神霄異名也實
 道中之妙法道乃萬法之祖雷乃諸雷之尊
 非法中之法也故稟元始一炁統御萬靈復
 有梵清景三炁之殊像絳碧玉琅丹景紫太
 神之別名法中雷符玉章天經皆浩劫之初
 梵炁自然結成於太空之中昔元始下降乃
 命天真皇人按筆以書其文字廣長一丈藏
 於紫微上宮玉京金闕命五老上帝掌之上
 品靈書以保制劫運生天主地運度水火開
 化神明為萬道之宗四萬劫一傳以示天人
 也中品靈書藏於五嶽四瀆龍宮海藏命各
 神掌之以安鎮嶽瀆開道泉源召龍負水役
 使神霄仙眾亦四萬劫一傳以示神人也下
 品靈書則應世宗師心心相授口口相傳與

天長存祈天福國弘道化人役使雷霆坐召
 風雨斬滅妖邪救濟早滂拯度幽顯贊助皇
 民即今人間清微雷法妙道是也實與諸法
 不同明達上人一聞頓悟蓋五行以庚為主
 而五炁以一為祖萬法以心為正其法簡易

不若有為不落無作不貢存想無泥虛文無
 祭祀無禱祝若此比誣詭也其妙乃以吾神
 合彼神吾靈合彼靈儒書謂致知格物是矣
 但於平日行住坐卧四威儀中必要收斂身
 心萬緣頓息存無守有專一無二守無所守
 存無所存一念真常如在太極未判混沌之
 先虛空圓光之內一竅之中其大無外其小
 無內太極未判混沌一般身心俱無止在太
 虛一點靈明自然宏照十方心田無穢性地
 絕塵久則寂然不動感而遂通到此田地一
 舉目一動念將帥洋洋乎如其左右靜則
 是道動則是法口啓心存立彰昭格即此乃
 大道之根萬法之本惟其始終精一不二念
 念相續於四威儀中入乎無間是謂達人能
 事畢矣